

ACORDO REGULADOR DO PREZO PÚBLICO POLA PRESTACIÓN DO SERVIZO DE XIMNASIA RÍTMICA

I.- FUNDAMENTO E NATUREZA

Artigo 1º.- Este Concello consonte ó autorizado polo artigo 127 do RDL 2/2004, de 5 de marzo, polo que se aproba o texto Refundido da Lei Reguladora das Facendas Locais, e de acordo co previsto no artigo 41 do citado texto legal, establece o prezo público pola prestación do servizo de gimnasia rítmica municipal, que se regulará polo presente Acordo Regulador.

II.-CONCEPTO

Artigo 2º.- Constitúe o obxecto deste prezo público a prestación do servizo de escola de ximnasia rítmica.

III. OBRIGADO Ó PAGO

Artigo 3º.- Están obrigados ó pago calquera persoa de natureza física ou xurídica así como as herencias xacentes, comunidades de bens e demais entidades que, carentes de personalidade xurídica, constitúan unha unidade económica ou un patrimonio separado, susceptible de imposición; que soliciten os servizos a que fai referencia o artigo anterior, e en todo caso, aqueloutras nas que redunde o beneficio derivado da prestación do citado servizo.

IV. OBRIGA DE PAGO

Artigo 4º.- Considérase devengada a exacción no momento da realización da correspondente matrícula.

V. TARIFAS

Artigo 5º.- Establécese unha tarifa única por curso e alumno de 50,00 euros, co IVE que poidera corresponder, no seu caso, engadido en dito importe

O importe do prezo establécese con carácter irreducible por curso completo. Só se procederá á súa devolución no caso de renuncias previas ao comezo das clases ou se por causas non imputables ao obrigado o servizo non se prestase.

VI. EXENCIONS, REDUCCIONS E DEMAIS BENEFICIOS LEGALMENTE APLICABLES

Artigo 6º.- No caso de unidades familiares con tres ou máis fillos, contémpase unha bonificación do 100% a partires do terceiro neno/a inscrito.

A estes efectos, enténdese por unidade familiar a formada polos cónxuxes non separados legalmente e, no seu caso, os fillos e fillas menores de 18 anos, con excepción dos que, con consentimento dos pais vivan independentes destes, e os fillos maiores de 18 anos cunha minusvalía superior ao 33% e os incapacitados xudicialmente suxeitos á patria potestade prorrogada ou rehabilitada ou os así declarados pola administración autonómica. Nos casos de separación legal ou cando non existira vínculo matrimonial, a unidade familiar estará formada polo pai ou nai e tódolos fillos e fillas que convivan con un ou outro e reúnan os requisitos descritos no parágrafo anterior.

VII. NORMAS DE XESTION

Artigo 7º.- O pago da presente exacción efectuarase mediante autoliquidación no momento de formalizarse a matrícula.

DISPOSICION FINAL

O presente Acordo regulador entrará en vigor e comenzará a aplicarse no momento da súa publicación no BOP, permanecendo vixente ata a súa modificación ou derogación expresa.

XGL 12/06/2012

BOP N° de de de 2012